

Toletana Canonatus super Fructibus.

12

Stantibus &c.

Dub. = *An sit danda Remissoria in Casu &c.*

Reu. Pater. IN Metropolitana Toletana viget notorium statum super puritate Sanguinis Admittendorum ad Canonatus, & Beneficia eiusdem auctoritate Apostolica confirmatum disponens, quod nonnisi Clerici, qui ab antiquis Christianis nulla Hæbreorum, aut Saracenorum, seu Hæreticorum macula infectis originem ducant, admittantur, atque præscribens modum super Informationibus, & Probationibus ab ipsis faciendis pro demonstranda sui Sanguinis puritate; Et donèe Informationes huiusmodi viderentur, & ex eis constaret de qualitate sic Admittendorum nullatenus in dicta Ecclesia admitterentur,
Summario Num. 1.

Adest etiam in eadē Metropolitana Constitutio seu Consuetudo inconcussa observata, quod nouiter Prouisus de aliquo Canonatu, seu Beneficio in actu quo petierit admitti, & obtulerit probationes super sui Sanguinis puritate teneatur (vt fructus abinde lucrari, & consequi possit,) assumere, & inchoare primam Residentiam, seu possessionem prouisionalem in Scamno, seu Sedili ad id destinato nuncupato *Patientia*, existente extra Chorum in Cappella maiori, continuandam quousque perficiantur Informationes, & discutiantur, atque approbatæ remaneant Probationes super Puritate sui Sanguinis, & admissione ad plenariam Possessionem, ac Installationem Canonatus, seu Beneficij. Interessendo in eodem Scamno, seu Sedili Vesperis, & Diuinis Officijs absque tamen Superpelli-
ceo, & Cappa, sed decenti habitu Clericali indutus; Qua prima residentia, seu possessione prouisionali adimpleta fructus ab illius assumptione consequitur, eadem verò non facta illos non lucratur nisi à die plenariæ possessionis, & Installationis in Canonatu, prout testatur Præfatus Choro *Summario Num. 2.*, & prout consimilis Constitutio, & Consuetudo habetur in Cathedrali Pacen. recognita, & approbata per hoc Sacrum Tribunal in Pacen. *Canonatus super Manutentione 18. Martij 1720. & 10. Ianuarij 1721. coram R.P.D. Cerro.*

Cum autem D. Aduersarius Anno 1709. prouideri obtinuerit de Canonatu eiusdem Metropolitanæ vacato per obitum Ioannis Roman dela Fuente, & Literas Apostolicas suæ prouisionis exhibuerit Reuerendissimo Capitulo non pridem quàm die 12. Septembris

bris 1712. atque obtinuerit deputari Commissarium pro faciendis Informationibus, & probationibus super sui Sanguinis Puritate, non curauit tamen assumere, & inchoare residentiam, seu provisionalem possessionem in Scamno, seu Sedili prædicto Patientiæ, prout tenebatur, & ab eius arbitrio dependebat sine necessitate alicuius facultatis, vel Licentiæ, aut facti Reuerendissimi Capituli, vt in dicta attestazione Præsidentis Choro, dicto Summario Num. 2.

Cumque visis Informationibus, & probationibus super eiusdem Domini Aduersarij Sanguinis Puritate Reuerendissimum Capitulum ex pluribus concurrentibus circumstantijs fuerit in sensu Probationes non esse completas, vt Litteræ Apostolicæ exequi possent, & D. Aduersarius ad Canonatum admitti, hinc studuit ipse obtinere Commissionem super eorundem Litterarum Exequutione in hoc Sacro Tribunali directam Reuerendissimo D. Lancetta Decano, coram quo reportauit sententiam super illorum Exequutione, & Immissione in possessionem Canonatus, cum condemnatione Rm. Capituli ad restituendum D. Aduersario fructus, & Emolumenta Canonatus de Iure debitos, & debenda, atque suis loco, & tempore prout de Iure liquidanda Summ. n. 3.

Ad cuius Sententiæ tenorem superuenerunt etiam in secunda, & tertia Instantia coram bon. mem. Ansaldo, & R. P. D. meo Ponente Decreta pro processu ad vltiora in dicta Exequutione: Atque exinde fuerunt exaduerso expeditæ Litteræ Exequutoriales comprehendentes tam æsequutionem Litterarum Apostolicarum, & pro illius effectu Immissionem in possessionem Canonatus, quam restitutionem in genere fructuum de Iure debitorum, & prout de Iure liquidandorum, vt in dicta Sententia Reuerendissimi D. Lancetta Summario dicto Num. 3., & Litteris Exequutorialibus exaduerso dandis,

Præsentatis huiusmodi Exequutorialibus Reuerendissimo Capitulo succuti ab eo fuit paritum quoad Exequutionem Litterarum Apostolicarum, & Immissionem D. Aduersarij in possessionem Canonatus cum præseruatione suorum Iurium in deuolutiuo, in quo reperitur commissa Causa per Signaturâ Iustitiæ in vltiori Instantia; Ità fuit paritum quoad restitutionem fructuum de Iure debitorum in genere, prout illa ingenere demandatur in dd. sententia, & exequutorialibus, protestando eodem Reuerendissimo Capitulo, fructus D. Aduersario de Iure iuxta consuetudinem Ecclesiæ non deberi ab initio, & à die exhibitionis Litterarum Apostolicarum Reuerendissimo Capitulo, & petitis exaduerso illarum Exequutionis, ex quo non assumpserit, & adimpleuerit primam residentiam, seu possessionem provisionalem assistendo Diuinis Officijs in Scamno, seu Sedili prædicto Patientiæ, vt in Summario num. 4.

Prosequente verò D. Aduersario Instantiam super Paritione etiam quoad restitutionem fructuum obtento desuper Dubio, quod hodie contemporaneè proponitur, & sub quo de Paritione satis superque in genere, vt diximus constare ostendimus in altera Positione super eodem Dubio; Vt dignosci, & stabiliri possit in specie, qui fructus sint de iure debiti, & à quo tempore veniant D. Aduersario restituendi, quod omninò est necessarium. & omninò dependet à residentia prædicta, & possessione prouisionalì cum assistentia Diuinis Officijs in dicto Banco, seu Sedili Patientiæ iuxta consuetudinem Ecclesiæ.

Exindè Reuerendissimum Capitulum tuendo sua, & Ecclesiæ iura, dedit in actis Articulos ad probandam eandem consuetudinem, aliaque super qualitate, & quantitate fructuum, & modo, ac conditionibus necessarijs pro illis lucrandis, vt ex tenore eorumdem Articulorum qui dantur adnexi Atque obtinuit à R. P. D. meo Ponente subscribi præinsertum Dubium pro concessione Remissoriæ ad faciendas desuper opportunas probationes, in cuius hodierna discussione Affirmatiuè esse dandam Remissoriam resoluendum sine hæsitatione speramus prout humiliter supplicamus.

Remissoria enim nunquam denegatur etiam sine fumo, & indubio, quando agitur de materia profana, qualis reputatur quoties non agitur de titulo ipso Beneficij, & quando materia articulata est reueans ad Text. in leg. 1. Cod. de dilation. Rota decis. 573. num. 10. & seqq. coram Bich. decis. 32. num. 1. & seqq. coram Cels. dec. 258. num. 1. part. 14. decis. 2. num. 1. & 2. part. 19., & passim hoc Sacrum Tribunal non solet esse rigorosum in concedenda remissoria, ne præcludatur via faciendi probationes, ex quibus Iustitiæ Veritas magis in comperto reddatur Rota decis. 1. de Dilation. coram Casar. de Grassis num. 8. & seqq. decis. 32. num. 10. & 11. coram Cels. cum alijs in Burgen. Iurisdictionis super Remissoria 22. Martij 1715. coram R. P. D. Crispo S. Pro indulgenda Remissoria Concessione &c. Eoque magis quando materia, articulata est grauis, prout in præsens respiciens consuetudinem nostræ Metropolitanæ, & modum seruandum circa lucrandos fructus per nouitèr in illa prouisos, adnotata in Clement. sape secunda S. Non sit tamen de Verb. signific. Rota decis. 280. num. 3. part. 19. recent., & in dicta Burgen. Iurisdictionis super Remissoria dicta S. Pro indulgenda &c.

Fortius dum concurrat etiam fumus materiæ articulatae ex attestatone Præsidentis Choro ita fuisse semper seruatum, & seruari Summario num. 4. Et ex consimili consuetudine in Ecclesia Pacen., ac desuper firmatis in dicta Pacen. Canonicatus super manurentione, itaut eo faciliùs sit locus Concessioni Remissoriæ, quæ concurrente fumo etiam in Causa Beneficiali non denegatur, Rot. decis. 67. num. 6. coram Priol. decis. 28. num. 4., & seq. coram Buratt., & decis. 677. num. 1. par. 1. rec.

De releuantia enim materiæ articulatae dubitari non potest, cum Articulorum lectura manifesta reddatur; *in secundo enim Articulo* continetur consuetudo vicens in nostra Ecclesia inconcussa obliuiantia centenaria, & immemorabili stabilita, quod vt nouiter Prouisus de aliquo Beneficio fructus lucrari possit, teneatur assumere & inchoare primam residentiam, seu possessionem prouisionalem in dicto Scamno, seu Sedili *Patientiæ*, quæ probatio vtique reuans redditur ad determinandum à quo tempore, fructus sint debiti, & Domino Aduersario restituendi, in quo consistit hodie controuersia, & tamquam præferens consuetudinem centenariam, & immemorabilem iuxta illam regulanda erit restitutio fructuum, tamquam omninò attendenda, vtpotè firmans legem facialem in nostra Metropolitana sulcitam omni meliori titulo de Mundo, qui potest allegari ex centenaria, & immemorabili *Gratiani super regul. 8. Cancellar. gloss. 18. num. 45. Rota decis. 64. num. primo part. 2. decis. 542. num. 2. part. 4. recent.*, & in terminis remissoriæ *decis. 32. num. 4.*, & *segg. coram Cels. cum alijs* vulgatis.

In tertio Articulo continetur, quod pro assumenda, & inchoanda dicta Residentia, seu possessio, & assistentia Diuinis Officijs pro lucrandis fructibus à nouiter Prouiso non requiritur aliqua permissio, seu licentia, & factum Reuerendissimi Capituli, sed pendet ab ipsius Prouisi arbitrio, & voluntate, quod confert ad definendam restitutionem fructuum, pro qua consequenda non potest adduci à Prouiso excusatio, vel iustum motiuum non assumptæ, nec adimpletæ residentię prædictæ, vtpotè pendentis ab eius arbitrio.

In quarto Articulo continetur necessitas assumendi dictam Residentiam tam per Prouisos quorum Informationes super puritate sanguinis nullam habuerint difficultatem, tam per illos, quorum respectu fuerit necessaria discussio, & superuenerit desuper lis, & controuersia, quantumque illa durauerit, quod non minùs redditur reuans in casu, de quo agitur litis desuper disputatæ cum D. Aduersario, vt de se patet.

In quinto Articulo continetur, quod prædicta consuetudo, & obliuiantia est omnibus nota, & omnibus notum scamnum prædictum *Patientiæ* pro dicta residentia destinatum, cuius releuantia resultat ex quo non poterit à D. Aduersario allegari ignorantia de eo, quod est publicum, & omnibus notum esse seruandum pro lucrandis fructibus ab initio, & quod ipse D. Aduersarius aspirans ad Canonicatum, & eosdem fructus lucrari prætendens scire tenebatur.

In sexto Articulo continetur, quò fructus possint consequi ab illis, qui primam residentiam in scamno *Patientiæ* adimpleuerint, vt supra consistentes in illis, qui dicuntur *del Granaro, e del Vestuario*, cuius releuantia redditur manifesta, cum tendat ad determinandum qui

qui fructus sint debiti adimpleta residentia, & in quibus cadere possit liquidatio.

In septimo, & octauo Articulis continetur modus lucrandi fructus del Vestuario per præcisam obligationem residendi, tam in dicto Scamno Patientia pendentibus probationibus puritatis sanguinis, quam illis expletis, & post habitam plenariam possessionem Beneficij, & Installationem in Choro residendi ibidem per integrum annum à die quo quis ingressus fuerit, & admissus in Ecclesia, & Choro, & deinde quotannis per tres menses, pro qua obligatione residentia euitanda nulla causa excusat quantumuis legitima pro lucrandis fructibus; In quo etiam releuantia est vndique releuans, & clara vt super fructuum debita restitutione, & liquidatione procedi, & iudicari possit.

In nono Articulo continetur redditus consistens in Annuiuarijs, dotationibus, & alijs qui debetur solum actu Inseruientibus, & Interressentibus, non autem absentibus quod cum tendat ad probandum, qui, & quoties fructus sint debiti, & quomodo veniant liquidandi controuerti non potest releuantia cum sine tali probatione, liquidatio fieri non possit; Et exinde etiam resultat releuantia decimi Articuli super redditibus del Restorno de Tra, vt considerando pater.

In vndecimo Articulo continetur, quod D. Aduersarius nunquam assumpsit, nec adimpleuit residentiam in dicto Scamno, seu sedili Patientia, quam pro suo arbitrio, & voluntate facere poterat, cuius releuantia est etiam patens, cum exinde determinandum veniat, An fructus Canonici stante dicta consuetudine Ecclesie potuerint à D. Aduersario lucrari, & sint debiti ad formam Sententia Reuerendissimi Lancetta, & exequutorialium Rotatum.

Ex quibus cum in controuertibilis reddatur irreleuantia materiae Articulate, incontrouertibilis etiam redditus concessio remissoriae ex supra allegatis, & vulgatis, pro qua sufficit etiam releuantia vnius Articuli vt supra omnibus Remissoria concedatur Rota decis. 82. num. 7. & seqq. coram Ottobon. decis. 45. num. 12. decis. 74. num. 2. & decis. 254. num. 11. coram Priol. atque alibi passim.

Et ad effectum Concessionis Remissoriae sufficit etiam sola dubietas releuantia, & quod probationes ad causam conferre valeant, de quo dubitari non potest in præsentī reseruata plenaria discussione, & contrariarum exceptionum cognitionum post illius concessionem Remissoriae, & factas probationes, ne aliàs cum præpostera tione ordinis Iudicij ante factas probationes negocium Principale decidatur contra Iuris dispositionem ad firmata in decis. 82. nu. 22. coram Ottobon. decis. 23. num. 7. & decis. 32. coram Cels. decis. 284. num. 12. coram Priol. decis. 503. num. 4. coram Emerix Jun. cum alijs in dicto Burgen. Iurisdictionis super remissoria 22. Martij 1715. coram R. P. D. Crispo S. De releuantia &c.

Quin-

Quinimò in circumstantiis casus nostri necessaria redditur probatio
materiæ articulatæ ad effectum, ut determinari, & iudicari possit,
qui fructus sint debiti, & à quo tempore restituendi D. Aduersario
iuxta sententiam Reuerendissimi Lancetta, & Exequutoriales Ro-
tales, & in quibus veniant liquidandi, quod sine oblatiis, & petitis
per Reuerendissimum Capitulum probationibus dignosci, & de-
terminari non potest ex supra firmatis, in quibus terminis omninò
necessaria est Concessio Remissoriæ neque ea potest denegari *Ridol-*
phin. in prax. par. 1. cap. 12. num. 83.

Quare &c.

Joseph de Cappuccinis.

R. P. D.

C O R I O


Toletana Canonatus super
Fructibus.

P R O


Rmo Capitulo Toletano.

C O N T R A

Illium D. Iosephum Fernand
lubera .



Facti super remissoria



Typis Zinghi, & Monaldi 17

Die 14. Jan. 1774